



UPA 2015/118

Tillie Martinussen

23. april 2015

**Naalakkersuisut pisortat pisiortorneranni inatsisitigut, teknikkkut aammalu niuernerpalaarneq eqqarsaatigalugu neqeroortitsinermi atorpeqartartussamik inatsisissatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsinermi pisiffissat toqqarneqarneranni sinaakktissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassiortoqarnissaa ilaatinneqassaaq.**

(Inatsisartunut ilaasortaq Naaja Nathanielsen, Inuit Ataqatigiit)

(Siullermeernera)

Demokraatini siunnersuuteqartoq isumaqatigaarput oqarmat, neqeroortarnissamut inatsimmik peqalernissaa isumassarsiatsialaasoq.

Ullumikkut pisortat sulliviutaasa pisiniartarnerat kaajallaasitamik (Kaajallaasitaq 24. septembari 2010-meersumik) aalajangersagaavoq, qularnaarneqarluni sulliviit tamarmik assigiimmik pisortanut isumaqatigiissuteqartarsinnaanissaat. Tamatuma saniatigut kaajallaasitakkut qularnaarneqarpoq pisortat sulliviutaasa pisiniarnerminni aki pitsaassuserlu eqqarsaatigalugit iluaqutissarsisarnissaat pitsaasumillu angusaqartarnissaat.

Paasivarput Naalakkersuisit kaajallaasitamik pineqartumik nutarterilersimasut tamannalu iluarisimaarnarpoq. Aamma paasivarput ukioq manna 2015-mi neqeroorniartoqartillugu iserfissaq atorpeqalersussaasoq, taamaasippat ilaatigut pisortat neqeroorutininik tigusaqartarneri pillugit paasissutissat annertusissapput.



Demokraatini isumarput naapertorlugu suliarineqalersut taakku neqeroortarnermut inatsisiliornermut atatillugu sulinermit aallaaviulluarsinnaapput.

Taamatut oqaaseqarluta siunnersuut ataatsimiitamut susassaqartumut suliareqqitassanngorlugu innersuupparput.